

**OPĆINA OLOVO**  
**OPĆINSKO VIJEĆE**

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13), Odluke Općinskog vijeća Olovo o utvrđivanju kriterija za imenovanje u reguliranim tijelima općine Olovo, nadzorni/upravni odbori u javnim preduzećima i javnim ustanovama broj: 01-01-3-1692/13 od 04.06.2013. godine i Odluke o raspisivanju Javnog konkursa/oglasa za izbor i imenovanje u reguliranim organima kojima je osnivač Općinsko vijeće Općine Olovo, broj: 01-01-3-296/23 od 06.02.2023. godine, Općinsko vijeće Olovo, *o b j a v l j u j e*

**J A V N I K O N K U R S**  
**za izbor i imenovanje predsjednika**  
**i članova Skupštine JKP „Bioštica Olovo**

**I – Predmet javnog konkursa**

Raspisuje se javni konkurs za izbor i imenovanje predsjednika i članova **Skupštine JKP „Bioštica Olovo** čiji je osnivač Općinsko vijeće Općine Olovo i to:

- 1. U Skupštinu JKP „BIOŠTICA“ d.o.o. Olovo** biraju se tri člana od kojih je jedan predsjednik Skupštine JKP „Bioštica“ Olovo (predsjednik i dva (2) člana)

**II – Opis upražnjene pozicije**

Skupština JKP „Bioštica“ Olovo nadležna je da:

- donosi statut preduzeća, izmjene i dopune statuta, te druge opće akte preduzeća,
- odlučuje o raspodjeli godišnje dobiti,
- odlučuje o načinu pokrića gubitka,
- odlučuje o povećanju i smanjenju osnovnog kapitala,
- odlučuje o osnivanju novih preduzeća,
- odlučuje o planu poslovanja preduzeća,
- odlučuje o trajnoj poslovnoj saradnji, odnosno povezivanju sa drugim preduzećima,
- donosi etički kodeks preduzeća,
- odlučuje o imenovanju i razrješenju Nadzornog odbora,
- odlučuje o imenovanju i razrješenju Odbora za reviziju,
- usvaja godišnji izvještaj preduzeća, koji uključuje finansijski izvještaj i izvještaj revizora, Nadzornog odbora i Odbora za reviziju,
- odlučuje o promjeni oblika i podjeli preduzeća,
- odlučuje o naknadama članovima Nadzornog odbora i Odbora za reviziju,
- odlučuje o spajanju s drugim društvima i pripajanju drugih društava preduzeću,
- odlučuje o prestanku preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- odlučuje o poslovniku o radu Nadzornog odbora i Odbora za reviziju,
- odobrava trogodišnji plan poslovanja, odnosno odobrava revidirani plan poslovanja,
- odlučuje o ostvarivanju zahtjeva preduzeća prema članovima Uprave i Nadzornog odbora u vezi sa naknadama štete nastale pri osnivanju, kupovini ili vođenju poslovanja preduzeća,
- podnosi izvještaje o radu i poslovanju preduzeća Općinskom vijeću jednom godišnje,
- daje saglasnost Nadzornom odboru za izbor i imenovanje direktora preduzeća,
- odlučuje o cijeni usluga, na prijedlog Nadzornog odbora, a po pribavljenoj saglasnosti osnivača - Općinskog vijeća,
- odlučuje o drugim pitanjima utvrđenim zakonom i ovim Statutom.

### **III – Mandat**

Mandat predsjednika i članova Skupštine vrši se na period od 4 (četiri) godine od dana imenovanja.

Imenovanje i razrješenje predsjednika i članova Skupštine JKP Bioštica Olovo u ime Osnivača vrši Općinsko vijeće Olovo na prijedlog Općinskog načelnika.

### **IV – Opći uslovi**

Kandidati koji se prijave za poziciju predsjednika i člana Skupštine moraju da ispunjavaju sljedeće opće uslove:

1. da su državljani Bosne i Hercegovine,
2. da su stariji od 18 godina,
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini ( bilo na nivou države ili entiteta ) u periodu od tri godine prije dana objavljivanja upražnjenih pozicija,
4. da se na njih ne odnosi član IX. 1. Ustava Bosne i Hercegovine, odnosno da nije pod optužnicom Međunarodnog suda za ratne zločine u bivšoj Jugoslaviji,
5. da nisu na dužnosti u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine FBiH“, broj: 34/03),
6. da nisu članovi tijela zakonodavne, izvršne vlasti ili savjetnici u smislu odredaba Zakona o sukobu interesa u organima vlasti Federaciji BiH („Službene novine FBiH“, broj: 70/08),
7. da nema privatni finansijski interes u u javnoj ustanovi za koju se kandiduje u smislu člana 2. tačka 1.2. Zakona o ministarskim, vladinim i drugim imenovanjima Federacije BiH („Službene novine FBiH“: broj:12/03, 34/03 i 65/13) i
8. da nije osuđivan za krivično djelo i da se protiv njega ne vodi krivični postupak i privredni prestup nespojiv s dužnošću u reguliranom tijelu, pet godina od dana pravosnažnosti presude, isključujući vrijeme zatvorske kazne,
9. da nije lice kojem je pravosnažnom presudom suda zabranjeno obavljanje aktivnosti u nadležnosti reguliranog tijela,
10. da nisu stariji od 65 godina,

**Lični podaci o podnosiocima prijave iz tačke 8. i 9. općih uslova prikupljat će se službenim putem shodno Zakonu o zaštiti ličnih podataka u BiH.**

### **V - Posebni uslovi**

Kandidati koji se prijave za poziciju predsjednika i člana Skupštine pored općih moraju da ispunjavaju sljedeće posebne uslove:

1. da imaju najmanje višu stručnu spremu, s tim da je poželjno da kandidati imaju visoku stručnu spremu pravnog i ekonomskog smjera i stručnu spremu iz oblasti koja je srodna osnovnoj djelatnosti preduzeća.
2. da imaju najmanje tri (3) godine radnog iskustva,
3. da kandidat posjeduje sposobnost za savjesno, odgovorno i odlučno obnašanje pozicije, dokaz: ocjena sa intervjua,
4. da kandidat posjeduje sposobnost nepristrasnog donošenja odluka, komunikacijske i organizacijske sposobnosti, dokaz: biografija i ocjena sa intervjua,
5. da kandidat posjeduje pozitivne rezultate rada ostvarene tokom poslovne karijere, dokaz: slobodan izbor kandidata.

Ocjena kandidata koji ispunjavaju opće i posebne uslove utvrđene tačkama IV i V konkursa izvršit će se na osnovu stepena i profila stručne spreme, kao i radnog iskustva, a nakon obavljenog intervjua sa kandidatima, izvršit će se ocjenjivanje kandidata u pogledu:

- komunikativnih i organizatorskih sposobnosti,
- minimuma znanja o organizaciji i djelatnosti preduzeća
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- naklonjenost timskom radu.

## **VI – Potrebni dokumenti**

Kandidati su dužni uz prijavu (koja čini zaseban dokument i mora biti obavezno potpisana), a sadrži kraću biografiju, adresu i kontakt telefon, priložiti sljedeću dokumentaciju:

1. uvjerenje o državljanstvu,
2. izvod iz matične knjige rođenih,
3. diplomu o stečenoj višoj ili visokoj stručnoj spremi,
4. uvjerenje o radnom iskustvu nakon sticanja više ili visoke stručne spreme,
5. ovjerenu izjavu o ispunjavanju uslova iz tačke IV, podtačka 3.,4.,5.,6. i 7. konkursa,
6. ovjerenu izjavu ili preporuke/potvrde poslodavca o ispunjavanju uslova iz tačke V, podtačka 3.,4.,5. oglasa.

Dokumenti kojima se dokazuje ispunjavanje općih i posebnih uslova ne mogu biti stariji od šest (6) mjeseci. Dokumenti koji se prilažu uz prijavu moraju biti dostavljeni u originalu ili ovjerenoj fotokopiji.

## **VII – Dodatna pojašnjenja**

Javni konkurs će biti objavljen u „Službenim novinama Federacije BiH“ i dnevnom listu „Oslobođenje“, a bit će otvoren 15 dana od dana objavljivanja, računajući od dana posljednjeg objavljivanja.

## **VIII – Ostale napomene**

**Svaki kandidat koji se prijavi na ovaj konkurs dužan je u prijavi i na koverti sa dokumentima naglasiti da se prijavljuje u Skupštinu JKP „BIOŠTICA“ d.o.o. Olovo. Ukoliko kandidat na koverti ne naznači oznaku „Skupština JKP „BIOŠTICA“ d.o.o. Olovo“, takve kovertne neće se otvarati, odnosno prijave se neće razmatrati.**

Neblagovremene i nepotpune prijave neće se razmatrati.

Prijave se mogu slati putem pošte ili direktnom predajom na protokol u šalter sali Općine Olovo.

Prijave za Javni konkurs dostaviti u zatvorenoj koverti na sljedeću adresu:

**OPĆINA OLOVO**  
**OPĆINSKO VIJEĆE**  
**Ulica Branilaca bb, 71 340 Olovo**  
sa naznakom:

**„PRIJAVA NA JAVNI KONKURS**  
**za izbor i imenovanje članova Skupštine JKP „BIOŠTICA“ d.o.o. Olovo“**

Komisija će na osnovu javnog konkursa, uz poštivanje principa utvrđenih Zakonom o ministarskim, vladinim i drugim imenovanjima Federacije BiH i Odlukom Općinskog vijeća Olovo o utvrđivanju kriterija za imenovanje u reguliranim tijelima općine Olovo, nadzorni/upravni odbori u javnim

preduzećima i javnim ustanovama sačiniti i predložiti rang-listu sa najboljim kandidatima Općinskom načelniku, na osnovu koje će Općinski načelnik utvrditi prijedlog odluke o imenovanju i dostaviti ih Općinskom vijeću radi konačnog imenovanja predsjednika i članova Skupštine JKP „BIOŠTICA“ d.o.o. Olovo“

Broj: 01-01-3-342/23

Datum: 14.02.2023.godine

**PREDSJEDAVAJUĆI  
OPĆINSKOG VIJEĆA**

**Amir Muminović, BA poslovanja, s.r.**